


A *rubá***A** *ntaño*

ARUBA Antaño...tin hopi cos cu ta trece dushi recuerdo na nos memoria. Un di nan ta e vehiculo (foto) cu tabata transporta e sueldo (placa) pa paga e empleadonan. E truck aki ainda ta visto ariba Aruba, claro no den un museo, pero si pa trece e recuerdo actualmente for di e tempo di antaño.

Tanto pe pagonan cu tin di tuma lugar pa esnan cu tabata traha cu time-card y cu tin cu cobra riba quincena como esnan cu ta cobra pa luna. Pa basta tempo unda cu cada rato cu nos subi e subida di Mahuma, nos bista no por keda sin tira un bistazo riba e truck aki den un cura. Kende tabata escolta e truck aki yen di placa? Durante e transportacion di e asina yama payroll, dos polis den tempo cu nan tabata bisti nan uniform berde, tin biaha cu bamboehoed y kleewang. Hasta nos por bisa cu nos ta duda cu por tin un vehiculo awendia cu por a yega di transporta tur e millon nan di florin y dolar manera esaki awendia. Fuera di esaki tin asina tanto cos pa parti di Lago y su empleadonan cu ta haci e recuerdonan di antaño asina agradaable pa nos recorda. Lago su vocational school; su hospital; su dispensary; su thriftplan y su vacation plan; y su oportunidad pa bai adilanti cual a ser duna na nos muchanan; su parque di deporte y hopi cos mas. Hopi cu conoce e tempo aki lo tin un deseo grandi cu un dia nos hendenan por bolbe yega na disfruta di e gran privilegionan aki. Lo e por bolbe atrobe un dia?